



Рождество честнаго славнаго пророка,
предтечи и крестителя иоанна.

Сборник для мужского хора

Редакция и составление Г.Смирнова

Храм Воздвижения Честного Креста в Алтѣфьѣво.

НА ВЕЛИЦЕЙ ВЕЧЕРНИ

Блажен муж. Кафизма вся.

НА ГОСПОДИ, ВОЗЗВАХ

Стихиры Предтечи, глас 4:

- 1. Стих:** Из глубины воззвах к Тебе, Господи, // Господи, услыши глас мой.
- 2. Стих:** Да будут уши Твои // внемлюще гласу моления моего.

Разрешает Захариино молчание рождётся Иоáнн, / ибо не подобаше отцу молчати, пришедшу гласу, / но, якоже не веровавшу первее язык связá, / сиче явльшуся дати отцу свобождэние. / Емуже и блавестётся, / и родётся глас Слова и Света Предтэча, // моля о душа́х наших. **Дважды.**

- 3. Стих:** Аще беззакония назриши, Господи, Господи, кто постоит? // Яко у Тебэ очищэние ёсть.

Днесь глас Слова, глас, за неверие держимый, / разрешает отечь и Церкви являет благочáдие, / соúзы неплодствия разрешая мáтерни. / Светильник Свёта предгрядёт, / заря Солнца правды возвещает прише́ствие // в создание всех и спасение душ на́ших.

- 4. Стих:** Имене ради Твоего потерпех Тя, Господи, потерпе душа моя в слово Твое, // упова душа моя́ на Го́спода.

Божию Слову хотящу от Девы родиться, / Ангел от старческих чресл происхóдит, / великий в рожденных жена́ми / и пророков превы́шший: / подобаше бо Божественных вещей преславным быти нача́лом, / кроме возраста исча́дие / и без семене зачáтие. // Творяй чудеса во спасение наше, сла́ва Тебе.

5. Стих: От стражи утренния до нощи, от стражи утренния, // да уповаеи Израиль на Господа.

Явися днесь великий Предтеча, / от неплодных ложесн Елисавети произшед, / болий всех пророков пророк, / и ин несть, ниже воста: / яко Предтечи, светильнику, Свет последова пресветлый, / и гласу – Слово, и невестоводцу – Жених, / готовящему Господеви люди изрядныя / и предпочищающу при Дусе водою, / Захариино прозябение и пустыни доброе воспитание, / покаяния проповедник, очищение согрешений, / сущим во аде благовествуя из мертвых востание // и моля о душах наших.

6. Стих: Яко у Господа милость, и многое у Него избавление, // и Той избавит Израиля от всех беззаконий его.

Пророк и Предтеча из утробы явился еси, / Христов Крестителю Иоанне, / играя и радуяся во чреве матери, / зря Царицу, пришедшу к рабе, / носящую Безлетнаго, от Отца без матери, / к тебе, от неплодных и старца по обетованию возсиявшему. // Того моли помиловати души наша.

7. Стих: Хвалите Господа вси языцы, похвалите Его вси людие.

О, преславнаго чудесе! / Иже слову Ангела не веровавый, глаголющу, / яко зачнет Елисаветь и родит сына, глаголя: / како тая родит, / зане аз заматерех / и оныя удеса умертвишася? / Осудивыйся молчати за неверие / днесь зрит раждаемо обещанное / и, молчания разрешься, / в веселие входит, / благословен, – вопия, – Господь, Бог Израилев, / яко посети и сотвори избавление людем Своим, // подавая миру велию милость.

8. Стих: Яко утвердися милость Его на нас, и истина Господня пребывает во век.

**Иоанне прехвальне,/ и вселенский апостоле,/ Гавриилово
благовествование,/ и неплодная прозябение,/ и пустыни
доброе воспитание,/ и искренний друже Жениха Христа,//
Того моли помиловатися душам нашим.**

Слава: Глас 6:

Днесь Света светильник/ предпутие творит пришествию
Божия Слова,/ яко звезда светлая,/ днесь Захариин
язык уяснися,/ молчание держав, Ангелу повелевшу,/ по-
добаше бо сице отцу глас немолчанием хранити,/ произ-
шедш из утробы неплодная/ и всего мира избавление бла-
говествующ// со дерзновением многим.

И ныне: Глас тойже:

Елисавет зачат Предтечу благодати,/ Дева же Господа
славы,/ целовастесе обе матери,/ и младенец взы-
грася,/ внутрь бо раб хваляше Владыку./ Удивившись же,
мати Предтечева начат вопити:/ откуда мне се, да Мати
Господа моего прииде ко мне?/ Да спасет люди отчаян-
ные// Имеяй велию милость.

**Вход с кадилом: Свете Тихий: Прокимен дня. Паремии:
Ектения сугубая:**

Сподоби, Господи, в вечер сей без греха сохранитися
нам./ Благословен еси, Господи, Боже отец наших,/ и
хвально и прославлено имя Твое во веки. Аминь.

Буди, Господи, милость Твоя на нас, якоже уповахом на
Тя./ Благословен еси, Господи, научи мя оправданием
Твоим./ Благословен еси, Владыко, вразуми мя оправ-
данием Твоим./ Благословен еси, Святыи, просвети мя
оправданием Твоим.

Господи, милость Твоя во век, дел руку Твоею не презри./
Тебе подобает хвала, Тебе подобает пение,/ Тебе слава

подобает, Отцу и Сыну и Святому Духу, // ныне и присно и во веки веков, аминь.

Ектения просительная:

НА ЛИТИИ

Стихиры Предтечи, глас 1:

Иска́пайте, горы, сладость, / и холми, яко агнцы, **взыграйте**, / яко родися от Елисавети / хотяй с нами водворитися Господень Предтеча, / разрешивый в рождестве отчее безгласие. / Тем и мы вопием ему: // Крестителю Христов, **моли** спастися душам нашим.

Богознаменитый глас, Света светильник, / Господень Предтеча, / Христом свидетельствованный, / первый во пророцех, о мире молитву творяй, // изрядно стадо твое поминай, **спасти** невредимо.

Проповедник был еси Агнца Божия и Слова, / Иоанне пророче и Предтече, / прорицаеши будущая и предглаголеши концем: / се Агнец Божий, **вземляй** мира грехи // и **подай** всем велию милость.

Слава: Глас 5:

Проро́ков предел и начало апóстолов, / **земнаго** Ангела и **Небеснаго** челове́ка, / глас Слова, **воина** и Предтечу Христо́ва, / от обеща́ния предвзыгра́вшася / и проповедавши прежде рождества Солнца пра́вды, / **днёсь** Елисаветь раждает, и радуется, / и чудится Захария в ста́рости, / **молчание**, аки узу обложённу, **отложив**, / и яко родитель гласа пророчествует я́вленнейше: / ты́ бо, **отроча**, пророк Вышняго нарече́шися / и **предыдеши** пути гото́вити Ему́. / **Тёмже**, Ангеле, пророче, апóстоле, / **воине**, Предтече, Крестителю, / и проповедниче **покаяния**, и **наста́вниче**, / **я́ко** глас света, Сло́ва, / **непрестанно** моли́ся о нас, // **верою** **творящих** твою па́мять.

И ныне, Богородичен. Глас 5:

Храм и Дверь еси,/ Палата и Престол Царев,/ Дево Всечестная,/ Еюже Избавитель мой, Христос Господь,/ во тьме спящим явися,/ Солнце Сый правды,/ просветити хотя, яже созда по образу Своему рукою Своею./ Темже, Всепетая,/ яко Матерне дерзновение к Нему стяжавшая,/ непрестанно моли// спастися душам нашим.

НА СТИХОВНЕ

Стихиры Предтечи, глас 2:

Иже от пророка пророка/ и неплодныя прозябение,/ в рождённых женами превышша всех,/ пустыннаго гражданина, Иоанна славнаго/ псалмы и пеньми и песньми духовными восхвалим,/ вопиюще к нему: Крестителю Спасов и Предтече,/ яко имея дерзновение, в честнем твоём рождествё/ умоли Христа даровати мир миру// и душам нашим велию милость.

Стих 1: Благословен Господь, Бог Израилев,/ яко посети и сотвори избавление людем Своим.

Прииде глас благодати Слова,/ Солнца проповедник,/ родивыйся днесь от неплодове безчадныя,/ от обетования Иоанн Предтеча./ Людие, радуйтеся: прииде уготовати путь нам спасения,/ Емуже и, взыграв, поклонися,/ во чреве сущу Матерни,/ Агнцу, вземлющему грехи мира// и подающему нам велию милость.

Стих 2: И ты, отроча,/ пророк Вышняго наречешися.

Иже из чрева матерня освящся/ и пророчества прием исполнение,/ днесь от неплодныя раждается,/ Господне пришествие проповедавая ясно:// покайтесь, приближися бо Царство Небесное.

Слава: Глас 8:

Исаии ныне проро́ка глас/ днесь в бо́льшаго от пророк
Рождении Иоанна исполнися:/ се́ бо, – рече, – послю
Ангела Моего́/ пред лицём Твоём,/ и́же уготовит путь
Твой пред Тобо́ю./ Сёй убо, Небеснаго Царя воин, пред-
тёк,/ яко воистинну правы творяше стези́ Богу на́шему,/
челове́к убо естеством, Ангел же житиём сый,/ чистоту́ бо
конечно и целому́дрие целова́в,/ имяше у́бо по е́стеству́,/
бежа́ же яже чре́з естество́,/ па́че естества подвиза́вся./
Тому, вси вернии, добродётельми подóбляещеся,/ моли́ти о
нас мо́лимся, // во еже спасти души на́ша.

И ныне: глас тойже:

Виждь Елисаветь к Деве Марии глаголющу:/ что́ при-
шла́ еси ко мне, Мати Го́спода моего́?/ Ты Царя
но́сиши, и аз во́ина./ Ты Законодавца, и аз законополо-
жи́теля./ Ты Сло́ва, и аз глас, // проповедающ Царство
Небе́сное.

НА БЛАГОСЛОВЕНИИ ХЛЕБОВ:

Тропарь Предтечи, глас 4:

Пророче и Предтече пришествия Христо́ва,/ досто́йно
восхвалити тя недоумеем мы, любовию чту́щии тя:/
неплодство бо рождшия и отчее безгласие разреши́ся/
сла́вным и честным твоём рождество́м, // и воплощение
Сына Божия миру пропове́дуется. **Дважды.**

И «Богородице Дево» Единожды.

Псалом 33:

Благословлю Господа на всякое вре́мя,/ выну хвала Его во
устёх моих./ **О** Господе похвалится душа́ моя,/ да услы-
шат кротцыи, и возвеселя́тся./ **Возвеличите** Господа со
мно́ю,/ и вознесем Имя Его вку́пе./ **Взысках** Господа, и

услы́ша мя,/ и от всех скорбей моих избáви мя./ **П**риступите к Нему, и просветíteся,/ и лица ваша не постыдýтся./ **С**ей нищий воззва, и Господь услы́ша и,/ и от всех скорбей его спасé и./ **О**полчится ангел Господень окрест боящихся Егó,/ и избáвит их./ **В**кусите и видите, яко блáг Госпóдь:/ блажен муж, иже упováет Нáнь./ **Б**ойтесь Господа, вси святи́и Егó,/ яко несть лишения боящимся Его./ **Б**огатии обнищаша и взалкáша:/ взыскающии же Гóспода// не лишатся всякаго блáга.

НА «БОГ ГОСПОДЬ»

Тропарь Предтечи, глас 4:

Пророче и Предтече пришествия Христо́ва,/ досто́йно восхвалити тя недоумеем мы, любовьию чту́щии тя:/ неплодство бо рождшия и отчее безгласие разрешíся/ сла́вным и честным тво́им рождествóм,// и воплощение Сына Божия миру проповéдуется. **Дважды.**

Слава и ныне: Богородичен, глас 4:

Еже от века утаéное/ и Ангелом несведомое та́инство,/ Тобою, Богородице, сущим на земли яв́ися Бог,/ в неслíтном соединении воплоща́емь,/ и Крест волею нас ра́ди воспри́им,/ íмже воскресив первоздáннаго,// спасе от смерти души нáша.

Величание Предтечи:

Велича́ем тя,/ Предтече Спасов Иоáнне,/ и чтим еже óт непло́дове// пресла́вное рождествó твоё.

Псалом избранный:

Благословен Господь, Бог Израилев, яко посети и сотвори избавление людем Своим./ **И** воздвиже рог спасения нам в дому Давидове, отрока Своего./ Клятся Господь Давиду истиною и не отвержется ея./ **Т**амо возвращу рог Давиду,

уготовах светильник помазанному Моему./ **Сильно** на земли будет семя Его./ **Род** правых благословится./ **Служити** Ему в преподобии и правде пред Ним вся дни живота нашего./ **И** ты, отроча, пророк Вышняго наречешися./ **Пре**ыдеши бо пред лицом Господним уготovati пути Его,/ **Дати** разум спасения людям Его/ **Во** оставление грехов их милосердия ради милости Бога нашего, // **На**прави-ти ноги наша на путь мира.

Степенна, глас 4: Прокимен, глас четвертый: И ты, отроча,/ пророк Вышняго наречешися.

Глас 6:

Слава Отцу и Сыну и Святому Духу./ **Молитвами** святого славнаго Пророка, Предтечи и Крестителя Господня Иоанна,/ **Милостиве, очисти**// множество согрешений наших.

И ныне и присно и во веки веков. Аминь./ **Молитвами** Богородицы,/ **Милостиве, очисти**// множество согрешений наших.

Помилуй мя, Боже,/ по велицей милости Твоей,/ и по множеству щедрот Твоих// очисти беззаконие мое.

Стихира Предтечи, глас 2:

Иже из чрева матерня освящся/ и пророчества прием исполненье,/ днесь от неплодныя раждается,/ Господне пришествие проповедавая ясно:// покайтесь, приблизися бо Царство Небесное.

КАНОН ПРЕДТЕЧИ, ГЛАС 4:

Песнь 1:

Ирмос: Трестаты крепкия,/ Рождейся от Девы,/ безстрастия во глубине/ души тричастное потопи, молюся,/ да Тебе, яко в тимпане,/ во умерщвлении телесé// победное воспою пение.

10

7 июля. Рождество св. Иоанна Предтечи

Катавасия, глас 4: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, // и воспою, радуясь, Тоя чудеса.

Песнь 3:

Ирмос: Не мудростию, и си́лою, / и богатством хва́лимся, / но Тобою, Отчею Ипостасною Му́дростию, Христé: / несть бо свят, па́че Тебе́, // Челове́колю́бче.

Катавасия, глас 4: Твоя песнословцы, Богородице, / живый и независтный Источниче, / лик себе совокупльшия, духовно утверди, / в Божественней Твоей славе // венцев славы сподоби.

Песнь 4:

Ирмос: Седяй в сла́ве / на Престоле Божества / во облаце лёгце, / прииде Иису́с Пребоже́ственный / Нетленною Дла́нию / и спасе зову́щия: // слава, Христé, си́ле Твоей.

Катавасия, глас 4: Седяй в славе / на престоле Божества / во облаце легце, / прииде Иисус Пребожественный / Нетленною Дланию / и спасе зовущия: // слава, Христе, силе Твоей.

Песнь 5:

Ирмос: Ныне востану, пророчески рече́ Бо́г, / ныне прославлюся, ныне вознесу́ся, / падшаго прием от Де́вы // и к свету умному вознося́й Моего́ Божества́.

Катавасия, глас 4: Ужасошася вся́ческая / о Божественней сла́ве Твоей: / Ты́ бо, Неискусобрачная Де́во, / имела еси во утробе над всеми Бо́га / и родила еси безлетнаго Сы́на, / все́м воспева́ющим Тя // ми́р подава́ющая.

Песнь 6:

Ирмос: Приидох во глубины морскія,/ и потопила мя есть буря мно́гих грехо́в,/ но, яко Бог, из глубины возведи живо́т мой, // Мно́гомíлостиве.

Катавасия, глас 4: Божественное сие и всечестно́е/ соверша́юще пра́зднество,/ богомудрии, Богома́тере,/ придите рука́ми воспле́щим, // от Нея рождшагося Бо́га сла́вим.

Песнь 7:

Ирмос: Юноши три в Вавило́не,/ веление мучителево на буйство прело́жше,/ посреде пламене вопи́яху:/ благословен еси, Го́споди, // Бо́же оте́ц наших.

Катавасия, глас 4: Не послужиша твари Богому́дрии/ па́че Созда́вшаго,/ но, огненное прещение мужески попра́вше,/ радовахуся, пою́ще: // препетый отцев Господь и Бо́г, благослове́н еси́.

Песнь 8:

Ирмос: Избавителю всех Всеси́льне,/ посреде пламене благоче́ствовавший,/ снизшед, ороси́л еси/ и научил еси пе́ти: // вся дела, благословите, по́йте Го́спода.

Хвалим, благословим:

Катавасия, глас 4: Отроки благочестивыя в пещи́/ рождество Богородичо спасло́ есть:/ тогда убо образу́емое,/ ныне же де́йствуемое,/ вселенную всю воздвизает пе́ти Тебе́:/ Го́спода по́йте дела́, // и превозносите Его́ во вся ве́ки.

Песнь Пресвято́й Богоро́дицы:

Вели́чит душа́ Моя́ Го́спода,/ и возра́довася дух Мой о Бо́зе Спа́се Моём. Честне́йшую...

12

7 июля. Рождество св. Иоанна Предтечи

Яко призре́ на смире́ние рабы́ Своея́,/ се бо от ны́не уб-
лажа́т Мя вси ро́ди.

Яко сотвори́ Мне вели́чие Си́льный,/ и свя́то Имя Его́, и
ми́лость Его́ в ро́ды родо́в боя́щимся Его́. **Честне́йшую...**

Сотвори́ держа́ву мы́шцею Своёю,/ расточи́ го́рдья
мы́слию се́рдца их. **Честне́йшую...**

Низложи́ си́льные со престо́л, и вознесе́ смире́нные;/
а́лчущия испо́лни благ, и богатя́щиеся отпусти́ тщи. **Чест-
не́йшую...**

Восприя́т Изра́иля о́трока Своего́, помяну́ти ми́лости,/
я́коже глаго́ла ко отце́м на́шим, Авра́му и се́мени его́,
да́же до ве́ка. **Честне́йшую...**

Песнь 9:

Ирмос: Сокровенное Божие неизреченное/ в Тебе совер-
шается явственное таинство,/ Дево Пречистая,/ ибо Бог
из Тебе воплотился за милосердие.// Темже Тя яко Бого-
родицу величаем.

Катавасия, глас 4: Всяк земнородный/ да взыграется ду-
хом просвещаемь,/ да торжествует же безплотных умов
естество,/ почитающее священное торжество Бого-
матере,/ и да вопиет:/ радуйся, Всеблаженная,// Богоро-
дице Чистая Приснодево.

Рождеству св. Иоанна Предтечи на хвалитех стихире, глас 8

Подобен: О преславнаго чудесе!

Редакция Г.Смирнова

1 Хвалите Его на силах Его, / хвалите Его по множеству величества Его.

The musical score is written for two voices (T.I and T.II) and a basso continuo (Бар. Б.). It consists of six systems of music, each with a vocal line and a basso continuo line. The lyrics are in Russian and describe the Nativity of St. John the Forerunner. The music is in a major key and 4/4 time. The lyrics are: О пре-слав-на-го чу-де-се! из пре-ста-ре-лы-я ма-те-ре, Бо-жи-я сло-ва про-воз-вест-ник, И-о-анн днесь про-и-зы-ти тщит-ся, свя-зан-ный язык янейше рождеством глаголати яв-ля-ет. О не-из-гла-го-лан-на-го Твоего смотрения Вла-ды-ко! Им-же, Христе, спаси души наша, я-ко Е-дин Ми-ло-серд.

2 Хвалите Его во гласе трубнем, / хвалите Его во псалтири и гуслех.

О пре - слав - на - го чу - де - се! В рож - ден - ных

же - на - ми, про - рок же пре - выш - ший,

ма - терняго неплодства разрешает о - суж - де - ни - е, и - же

Ду - хом и силою пришед Илииною, путь Господень и - спра - ви - ти.

О не - из - гла - го - лан - на - го Твоего благоутробия, Вла - ды - ко!

Им - же, Христе, спаси души наша, я - ко Е - дин Ми - ло - серд.

3) Хвалите Его в тимпане и лице, / хвалите Его во струнах и органе.

О пре - слав - на - го чу - де - се! Про - поведавый

Хри - стово к человеку ис - то - ща - ни - е,

пре - выше показывает всех То - го гла - сом, и рождшия разрешает

не - пло - ди - е Си - ло - ю Божественною, и За - ха - ри - ин

я - зык. О ве - ли - ких Тво - их чу - дес, Вла - ды - ко! И - ми - же,

Христе, спаси чтущия Твоего велика - го Пред - те - чу.

- ④ Хвалите Его в кимвалех доброгласных, хвалите Его в кимвалех восклицаня. /
Всякое дыхание да хвалит Господа.

О пре - слав - на - го чу - де - се! В рож - ден - ных же -

на - ми про - рок и Предтеча превы - ше яв - ля - ет - ся:

про - ро - ков же пре - выш - ший, и при - шест - ви - я -

Христова провозвестник, предвзыгравый во утро - бе ма - тер - ни.

О зе - ло ве - ли - ких Твоих дарований, Члове - ко - люб - че!

И - ми - же, Христе, спаси души наша, я - ко Все - си - лен.

НА ХВАЛИТЕХ

Стихиры Предтечи, глас 8:

1. Стих: Хвалите Его на силах Его,/ хвалите Его по множеству величества Его.

О, преславного чудесе!/ Из престарелыя матере/ Божия Слова провозвестник,/ Иоанн днесь произыти щится,/ связанный язык яснейше рождеством глаголати являет./ О, неизглаголанного Твоего смотрения, Владыко!/ Имже, Христе,/ спаси души наша, // яко един Милосерд.

2. Стих: Хвалите Его во гласе трубнем,/ хвалите Его во псалтири и гуслех.

О, преславного чудесе!/ В рожденных женами/ пророк же превышший/ матерняго неплодства разрешает осуждение,/ иже духом и силою пришед Илииною/ путь Господень исправить./ О, неизглаголанного Твоего благоутробия, Владыко!/ Имже, Христе, спаси души наша, // яко един Милосерд.

3. Стих: Хвалите Его в тимпане и лице,/ хвалите Его во струнах и органе.

О, преславного чудесе!/ Проповедавый Христово к человеку истощание/ превыше показывает всех Того гласом/ и рождшия разрешает неплодие/ силою Божественною/ и Захариин язык./ О, великих Твоих чудес, Владыко!/ Имиже, Христе, // спаси чтущия Твоего великаго Предтечу.

4. Стих: Хвалите Его в кимвалех доброголасных, хвалите Его в кимвалех восклицания./ Всякое дыхание да хвалит Господа.

О, преславнаго чудесе! / В рожденных женами / пророк и Предтеча превыше является, / пророков же превышший / и пришествия Христова предвозвестник, / предвзыгравый во утробе матери. / О, зело великих Твоих дарований, Человеколюбче! / Имиже, Христе, спаси души наша, // яко Всесилен.

Слава: Глас 6:

Звезда звезд, Предтеча / от неплодных утробы на земли раждаётся днёсь, / Иоанн Боговожделённый, / и Христову являет зарю, восток свыше, // в правое вёрных прехождение.

И ныне: Богородичен, глас 6:

Богородице, Ты еси лоза истинная, / возрастившая нам Плод животá, / Тебе молимся: молися, Владычице, / со святыми апóстолаы // помíловати души на́ша.

Славословие великое:

Слава в вышних Богу, / и на земли мир, / в человецех благоволение. / Хвалим Тя, благословим Тя, / кланяем Ти ся, славословим Тя, благодарим Тя, / великия ради славы Твоея. / Господи Царю Небесный, Боже Отче Вседержителю, / Господи, Сыне Единородный, Иисусе Христе, и Святыи Душе. / **Г**осподи Боже, Агнче Божий, Сыне Отець, / воземляй грех мира, помилуй нас; / воземляй грехи мира, прими молитву нашу; / седяи одесную Отца, помилуй нас. / **Я**ко Ты еси един Свят, / Ты еси един Господь, Иисус Христос, в славу Бога Отца. Аминь. /

На всяк день благословлю Тя, и восхваляю Имя Твое во веки, и в век века. /

Сподоби, Господи, в день сей без греха сохранитися нам. / Благословен еси, Господи, Боже отец наших, / и хваально и прославлено Имя Твое во веки. Аминь. /

Буди, Господи, милость Твоя на нас, якоже уповахом на Тя./

**Благословен еси, Господи, научи мя оправданием Твоим./
Трижды.**

Господи, прибежище был еси нам в род и род./ Аз рех: Господи, помилуй мя, исцели душу мою, яко согреших Тебе./ Господи, к Тебе прибегах, научи мя творити волю Твою, яко Ты еси Бог мой:/ яко у Тебе источник живота,/ во свете Твоем узрим свет.// Пробави милость Твою ведущим Тя.

Святой Боже: Трижды. Слава И ныне: Святой Безсмертный...

Тропарь Предтечи, глас 4:

Пророче и Предтече пришествия Христова,/ достойно восхвалити тя недоумеем мы, любовь чтущии тя:/ неплодство бо рождшия и отчее безгласие разрешися/ славным и честным твоим рождеством,// и воплощение Сына Божия миру проповедуется.

Слава и ныне: Богородичен, глас 4:

Еже от века утаеное/ и Ангелом несведомое таинство,/ Тобою, Богородице, сущим на земли явися Бог,/ в неслитном соединении воплощаемь,/ и Крест волею нас ради восприимь,/ имже воскресив первозданнаго,// спасе от смерти души наша.

НА ЛИТУРГИИ

Блаженны

Во Царствии Твоем помяни нас, Господи, егда приидеши, во Царствии Твоем.

На 12: Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротции, яко тии наследят землю.

Блажени алчущии и жаждущии правды, яко тии насытятся.

Предтечи, глас 4.

На 8: Блажени милостивии, яко тии помиловани будут.

Ирмос: Не мудростию, и силою, и богатством хвалимся, / но Тобою, Отчею Ипостасною Мудростию, Христе: // несть бо свят, паче Тебе, Человеколюбче.

Блажени чистии сердцем, яко тии Бога узрят.

Тропарь: Владычне убо от Девы совершается рождение, / но раба любезна от старицы и неплодных матере: // в лепоту предтичет убо чудо чудеси.

На 6: Блажени миротворцы, яко тии сынове Божии нарекутся.

Тропарь: Старица и неплоды Деву Матерь лобзает, познавши неложно Сея Рождество, // яко разрешися союз неплодства Божественным хотением.

Блажени изгнани правды ради, яко тех есть Царство Небесное.

Тропарь: Неискусобратно Бога воплощенна рождши, / страстей прилоги обуреваемого мя утверди: // несть бо, Пречистая, разве Тебе помощницы.

7 июля. Рождество св. Иоанна Предтечи

21

На 4: Блажени есте, егда поносят вам, и изженут, и рекут всяк зол глагол на вы, лжуще Мене ради.

Тропарь: Днесь пустынный гражданин Иоанн раждается, / покаяния проповедник и благодати свидетель истинен, // Предтеча Слова и Свету предсияющая звезда.

Радуйтесь и веселитесь, яко мзда ваша многа на Небесех.

Тропарь: Днесь секира, исковавшись, посечение предлагает душам неплодия, / и насаждает плоды добродетельныя, // предыдет твердо в рождестве твоём, Предтече.

Слава Отцу и Сыну и Святому Духу.

Тропарь: Возрадовася Иордан преславно и играет, научаяся, / Иоанна слыша, от неплодна рождена чрева, // море же ликует водными игрании.

И ныне и присно и во веки веков. Аминь.

Богородичен: Бездну милости рождающая, / страстей моих бездну пучиною щедрот Твоих потопивши, // тучу от души подаждь ми слез, Богородительнице Всенепорочная.

ПО ВХОДЕ:

Тропарь храма, глас 1:

Спаси Гóсподи лю́ди Твоя́,/ и благослови досто́яние Твое́,/ победы на сопротивныя да́руя,// и Твое сохра- няя Крестом Твоим жи́тельство.

Тропарь Предтечи, глас 4:

Пророче и Предтече пришествия Христо́ва,/ досто́йно восхвалити тя недоумеем мы, любовью чту́щии тя:/ неплодство бо рождшия и отчее безгласие разреши́ся/ сла́вным и честным твои́м рождеством,// и воплощение Сына Божия миру пропове́дуется.

Слава: Кондак Предтечи, глас 3:

Прежде неплоды днесь Христова Предтечу ражда́ет,/ и той есть исполнение всякаго проро́чества:/ Егоже бо пророцы пропове́даша,/ на Сего во Иордане ру́ку положи́в,// явился Божия Слова пророк, проповедник, вку́пе и Предтеча.

И ныне: Кондак храма, глас 4:

Вознесыйся на Крест во́лею,/ тезоимени́тому Твоему новому жи́тельству,/ щедроты Твоя даруй Христе Бо́же,/ возвесели́ силою Твоею верныя лю́ди Твоя́,/ победы дая им на сопоста́ты,/ посóбие имущим Твое, оружие ми́ра,// непобедимую победу.

Прокимен Предтечи, глас 7: Возвеселится праведник о Господе/ и уповаает на Него.

Причастен Предтечи: В память вечную будет праведник, от слуха зла не убоится. Аллилуия. **Трижды.**